

SCRIPT OF EVENING GOJRI NEWS BULLETIN 20MAY 2025 1700HRS

اونینگ گو جری نیوز بلیٹن مورخہ 20 مئی 2025

یوہ آکا شوانی جموں ہے محمد آسف تے نصرت تیں خبر سُنو۔

HEADLINES

- ۱۔ خارجی معاملات ب غا سیکرٹری وکرم مسری بیرون ملک غو دورو کرن آلا پارلیمنٹ ممبران ناں اوپریشن سندھور بارے تفصیلی جانکاری دے رہیا ہیں۔
- ۲۔ لیفٹیننٹ گورنر منوج سنہا نے جموں کشمیر مانہ حفاظتی صورتحال غا جائزہ غی خاطر اک اعلیٰ سطح غی میٹنگ غی صدارت کی۔
- ۳۔ وزیر اعلیٰ عمر عبداللہ نے گاندربل مانہ متا سارا ترقیاتی پروجیکٹاں غو افتتاح کیو تے کھیر بوانی میلہ غی خاطر کی جارہی تیاریاں غو وی جائیزو لیو۔
- ۴۔ حفاظتی سرحدی فوج نے پنجاب سرحد ور 3 سرحدی چوکیاں ور رٹریٹ تقریب فر تیں شروع کرن غو اعلان کیو ہے۔
- ۵۔ میکہم غی مکھیاں بارے عالمی تہاڑو اج منایو جارہیو ہے۔

MISRI BRIEFING

خارجہ سیکرٹری اکرم مسری اج پارلیمنٹ مانہ پارلیمان اراکین غا ایک وفد نانہ تفصیلات دے رہیا ہیں۔ واضع رہ جے بھارت نے بکھ بکھ ملکاں مانہ کوے 7 سیاسی جماعتاں گا وفود ناں ٹور غے پاکستان غی طرفوں دہشت گردی پھیلا جان غا معاملہ بارے باہر غا ملکاں ناں جانکاری فراہم کرنو ہے۔ واضع رہ جے ان وفود مانہ 59 پارلیمنٹ ممبر شامل ہیں جہیرا جے پلک تیں آئندہ 5 نومبر توڑی بکھ بکھ شراکت دار ملکاں سمیت اقوام متحدہ غی سلامتی کونسل غا ممبر ملکاں نال گل بات کریں گانزریعاں نے دسیو ہے جے یہ وفود کوے 32 ملکاں غو دورو کر غے پاکستان غی طرفوں پھیلائی جارہی دہشت گردی بارے عالمی دنیا ناں آگاہ کرے گو۔ بھارت نے عالمی دنیا نانہ یو واضع کیو ہے جے وہ عالمی سطح ور دہشت گردی غے خلاف سفر برداشت غی لاپالیسی بارے آواز چاوے غو۔

CM GANDERBAL

وزیر اعلیٰ عمر عبداللہ نے اج بارکورا گاندربل مانہ ایکن پانی سپلائی سکیم غو افتتاح کیو۔ واضع رہ جے جل شکتی محکمہ غی طرفوں تیار کی گئی اس سکیم غی مدد نال 4 ہزار کراں ناں پین غو صاف پانی مہیا کرایو جے گو۔ اس موقع ور وزیر اعلیٰ نے حکومت غی طرفوں ہر اکن کہر نانہ نلکہ غو پانی مہیا کراں غا اپنا وعدہ ناں وی دورایو وزیر اعلیٰ نے پدنچ غا مقام ور عمر رسیدہ لوکاں واسطے اکن کہر غو وی افتتاح کیو۔ اس تیں علاوہ سفا پورا مانہ سٹانس بلاک جد کہ گاندربل مانہ مال چوکھر بارے ہسپتال گو وی افتتاح کیو بعد مانہ عمر عبداللہ نے گاندربل مانہ ماتا کھیر بوانی مندر غو دورو لاغے ات آن آلا کھیر بوانی میلا بارے کی جارہی تیاریاں گو وی جائیزو لیو جناب عبداللہ نے کھیر جے میلہ مانہ حاضری دین آلا عقیدت مندناں غی حفاظت غے نال نال رہن سہن نانہ یقینی بنانو حکومت غیا اہم ترجیحات مانہ شامل ہے۔

PM MKB

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ ۱۱ اندہ 25 مئی نانہہ آکاش وانی ور من کی بات پروگرام مانہہ اپنا خیالات سانجہ کریں گایاہ ماہوار ریڈیو پروگرام غی 122 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈال کر غے روانہ کر سکیں۔ اس توں علا وہ نریندر مو دی ایپ یاہ فر مائی گوو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 23 تاریخ توڑی ہی قابل قبول ویں گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن لائن مو بیل ایپ ور نشر تے ٹیلی کاسٹ کیو جاے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جاے گو۔ آکاش وانی اس پروگرام غی بندی نشریات غے فوراً بعد اس نانہہ علاقائی زبانان مانہہ وی نشر کرے گو۔

BSF RETREAT COM

سرحدی حفاظتی دستاں نے اج تیں پنجاب سرحد ور واقع اتاری حسین والیا تے سادق پوسٹاں ور رٹریٹ تقریب پھر تیں شروع کرن غو اعلان کیو ہے یہ تقریب 8 مئی تیں آپریشن سندھور تیں بعد معطل تھی۔ اج یہ تقریب ذرائع ابلاغ واسطے کھولی گئی تے پلک تیں عوام واسطے وی کھول دی جے غی۔ لیکن بھارت تے پاکستان غے بشکار جھڑا دروازہ کھلیں تھا وے بند ریں غا تے دواں ملکاں غا گارڈ کمانڈر غے بشکار کوئی رسمی طور ور ہتھ نی ملایو جے غو۔ نال ہی جن کساناں غی زمین سرحد پار ہے انہاں نانہہ حل چلان غی اجازت دتی جے غی لیکن گجھ سخت اصولاں غے تحت اجازت دتی جے غی۔

OPERATION SINDOOR

پورو ملک اس ویلے اوپریشن سندور غی کامیابی بارے جشن منا رہیو ہے واضع رہ جے اوپریشن سندھور غی کاروائی غے دوران بھارت نے پاکستان تے غیر قانونی قبضہ آلا جموں کشمیر مانہہ دہشت گرداں ناں تربیت دین آلا کیمپاں مانہہ حملو کر غے 100 دہشت گرداں ناں ہلاک کیو تھو اس سلسلہ مانہہ لوک حکومت غی طرفوں چایا گیا اس اقدام غی متی تعریف کر رہیا ہیں اس کامیابی بارے جشن منان غی کاطر لوک اپنا خیالات آکاش وانی جموں نال سانجہ کر رہیا ہیں اس سلسلہ مانہہ فوج غا سبکدوش میجر جنرل گووڑ دن سنگھ جموال نے اس طرح کہیو۔

TIRANGA YATRA REASI

ایک شاندار اتحاد تے خُب الوطنی غو مظاہرو کرتا واں اج کٹرہ تے ریاسی مانہہ آپریشن سندھور غی کامیابی غاجشن غا طور ور ایک شاندار موٹر سائیکل ریلی غو انعقاد کیو گیو۔ اس موقع ور مقامی لوٹر سائیکل چالکاں، نوجواناں تے سبق دوش فوجیاں نے بھر پور شرکت کیو۔ شرجاء نے قومی چھنڈو لہرایو تے جوش و جذبہ غے نال خُب الوطنی غا نعرہ لایا آکاش وانی غا خبراں آلا شعوبہ سنگ گل کرتا واں ریلی مانہہ شرکت ہویا لوکاں نے اپنا خیالات غو اظہار کرتا واں اس طرح کہیو۔

WORLD BEE DAY JAMMU

مکھیر غی مکھیاں بارے اج عالمی تہارو منایو جارہو ہے اس موقع ور محکمہ زراعت بارے جموں غا ڈاکٹر غی طرفوں کرشی بھون جموں مانہہ خصوصی تقریب منعقد کی گئی۔ تقریب غو مقصد خوارک غی پیداوار مانہہ مکھیر غی مکھیاں غا کردار بارے جانکاری ناں عام کرنو ہے اس موقع ور محکمہ غا ڈاکٹر ارویندر سنگھ رین نے مکھیر غی مکھی پالن غا معاشی فائدہ بارے لو کہلتا واں کساناں تے نوجواناں ور زور دتو ہے وے مکھیر غی مکھی پال غے اپنی آمدنی مانہہ بعا دو کریں اُن نے کہیو ہے میکھم گو کاروبار گرہیں علاقہ غا کساناں تے بے روز گار نوجواناں واسطے مالی طور ور فائدہ مند ثابت وے غو۔

IPL CRICKET

آئی پی ایل کرکٹ مانہہ اج شام چنئی سُر کنگ تے راجستھان رائل غیشکار مقابلو دہلی غا ارون جیتلی میدان مانہہ کھیڈیو ہے غو مقابلو شام 7:30 بجے شروع وے غویوہ مقابلو آخری تے خصوصی کھیڈ ور کوئی اثر نی سٹے غو۔ کیونجے دو ٹیم پہلاں ہی تیں مقابلہ تیں باہر ہو چکی ہے۔ گزشتہ روز لکھنؤ سُر جیانٹ، سن رائزر حیدرہ آباد تیں ہار غے آخری مقابلہ تیں باہر ہو گئی۔ اس نتیجہ تیں بعد ممبئی انڈین تے دہلی کیپٹل غے کول آخری مقابلہ غا مقام واسطے امید باقی ہے گجرات ٹائٹن، رائل چیلنجرز بنگلورو تے پنجاب کنگز پہلاں ہی آخری مقابلہ مانہہ اپنی جگہ بنا چکی ہے۔

RAMBAN FISHERIES

ماہی گیری تے اُن غا خانداناں نانہہ مالی مدد تے بنیادی سہولیت فراہم کرن واسطے فشریز محکمہ رام بن مرکزی معاونت یافتہ مختلف سکیم نافز کر رہیو ہے جن مانہہ جے کے سی آئی پی زرعی تے متعلقہ شعوباں مانہہ مسابقتی بہتری شامل ہے۔ اس سکیم غو مقصد زرعی طریقہ نانہہ بہتر بنانو دیہی گھراں غی آمدنی مانہہ اضافو کرنو تے پسماندہ طبقاں غی مدد کرنو ہے۔ اس سکیم غے تحت محکمہ ایسا منصوباں واسطے رعایتی مالی معاونت تے سود مانہہ چھوٹ فراہم کرے جہیرو ٹھانچہ ور مرکوز ہے جسراں کہ مچھلی پکڑن آلی کشتیاں روکن آلی جگہ مچھلی اُتارن آلو مرکز تے ٹھنڈی جگہ جت مچھلیاں نانہہ محفوظ رکھیو جاسکے۔ اس بارے گل کرتا واں اسٹینٹ ڈاکٹر فشریز رام بن اتا اللہ نے اس طرح کہیو۔
